



БОСНА И ХЕРЦЕГОВИНА  
Брчко дистрикт Босне и Херцеговине  
ФОНД ЗДРАВСТВЕНОГ ОСИГУРАЊА  
УПРАВНИ ОДБОР - UPRAVNI ODBOR  
BOSNA I HERCEGOVINA  
Brčko distrikt Bosne i Hercegovine  
FOND ZDRAVSTVENOG OSIGURANJA

Бука С. Караџића 4, 76100 Брчко дистрикт БиХ, тел. +387 49 211 102; 216 344, факс 215 116, ИБ 4600222830003:  
Vuka S. Karadžića 4, 76100 Brčko distrikt BiH, tel. +387 49 211 102; 216 344, faks 215 116, IB 4600222830003:  
web: [www.fzobrcko.ba](http://www.fzobrcko.ba), E-mail: [fzobrcko1@teol.net](mailto:fzobrcko1@teol.net),

Broj: 015-180/7-UO-132/19  
Brčko, 18.10.2019. godine

Upravni odbor Fonda zdravstvenog osiguranja Brčko distrikta BiH na osnovu člana 13. stav (1) tačke a) i b) Statuta Fonda zdravstvenog osiguranja Brčko distrikta BiH BiH („Sl. glasnik Brčko distrikta BiH“, broj: 17/07, 1/08, 3/15, 7/15, 41/16 i 42/17 i 50/18) Zakona o zdravstvenom osiguranju Brčko distrikta BiH – prečišćen tekst („Službeni glasnik Brčko distrikta BiH“, broj 27/18), Odluke o osnovici i stopi doprinosa za zdravstveno osiguranje Brčko distrikta BiH („Službeni glasnik Brčko distrikta BiH“ broj 37/09) i člana 5 Pravilnika o izradi Finansijskog plana Fonda zdravstvenog osiguranja Brčko distrikta BiH, na 31. redovnoj sjednici održanoj dana 18.10.2019. godine,  
d o n o s i

**O D L U K U**  
**O UTVRĐIVANJU SMJERNICA I POLITIKA**  
**ZA IZRADU FINANSIJSKOG PLANA FONDA ZA 2020. GODINU**

**Opšti dio**

**Član 1**  
**(Predmet)**

- (1) Ovom Odlukom utvrđuju se smjernice i politike za izradu Finansijskog plana Fonda zdravstvenog osiguranja Brčko distrikta BiH za 2020. godinu, (u daljem tekstu: Odluka o smjernicama i politikama za 2020. godinu), način procjene prihoda i rashoda, raspoređivanje planiranih sredstava u Finansijskom planu Fonda zdravstvenog osiguranja Brčko distrikta BiH (u daljem tekstu: Fond), te druga pitanja od značaja za Finansijski plan Fonda za 2020. godinu
- (2) Plan prihoda i rashoda u Finansijskom planu Fonda za 2020. godine mora biti uravnotežen i iskazan po vrstama.

**Smjernice za izradu Finansijskog plana Fonda**

**Član 2**  
**(Prihodi)**

- (1) Plan prihoda u Finansijskom planu Fonda čine:
  - a) poreski prihodi – prihodi od doprinosa za zdravstveno osiguranje po kategorijama,
  - b) sredstva po osnovu međudržavnih sporazuma o socijalnom osiguranju,
  - c) grantovi budžeta za transplantacije i druge specifične programe zdravstvene zaštite osiguranih lica,
  - d) neporeski prihodi – prihodi od taksi, kamata i sl. i
  - e) ostali prihodi.
- (2) Planiranje prihoda Fonda u Finansijskom planu za 2020. godinu vrši se na osnovu Zakona o zdravstvenom osiguranju Brčko distrikta BiH (u daljem tekstu: Zakon), Odluke o osnovici i stopi doprinosa za zdravstveno osiguranje Brčko distrikta BiH (u daljem tekstu: Odluka), Zakona o taksama Brčko distrikta BiH, međudržavnih sporazuma o socijalnom osiguranju, Zakona o budžetu Brčko distrikta BiH, broju i strukturi aktivnih nosilaca zdravstvenog osiguranja po kategorijama osiguranja u 2019. godini.
- (3) Pored pravnog osnova iz stava (2) ovog člana, u planiranju prihoda uzeti u obzir izvršenje prihoda u finansijskom planu Fonda u prethodnoj godini, tekućoj godini, pokazatelja o broju i strukturi nosioca osiguranja po kategorijama, obveznicima obračuna i uplate doprinosa za zdravstveno osiguranje i drugih pokazatelja od značaja za elemente u Finansijskom planu Fonda.

**Član 3**  
**(Rashodi)**

Planiranje rashoda u Finansijskom planu Fonda se vrši u skladu sa Zakonom, Pravilnicima, Odlukama i drugim opštim aktima koji se primjenjuju u radu Fonda, te izvršenjem rashoda u Finansijskom planu Fonda u prethodnoj i tekućoj godini, sa podjelom troškova po grupama i to:

- a) troškovi rada Fonda – administrativni troškovi (plate, naknade, doprinosi na teret poslodavca, materijalni troškovi, troškovi ugovorenih i drugih usluga za potrebe Fonda, naknada za rad komisija, Upravnog odbora i ostalih troškova neophodnih za rad i funkcionisanje Fonda),

- b) direktni troškovi zdravstvene zaštite propisani članom 21 Zakona, podzakonskim i drugim opštim aktima koji propisuju prava osiguranih lica, raspoređeni po nivoima i djelatnostima zdravstvene zaštite,
- c) troškovi zdravstvene zaštite po međudržavnim sporazumima o socijalnom osiguranju,
- d) troškovi lijekova primarnog i bolničkog nivoa (Esencijalna i Dodatna lista lijekova),
- e) troškovi ortopedskih i drugih pomagala,
- f) troškovi dodatnih i drugih prava utvrđenih posebnim programima i aktima Fonda,
- g) troškovi transplantacija i drugih specifičnih programa zdravstvene zaštite koji se finansiraju sredstvima budžeta Brčko distrikta BiH,
- h) indirektni troškovi – novčane naknade – refundacije po osnovu prava osiguranih lica,
- i) troškovi nabavke opreme i drugih osnovnih sredstava neophodnih za rad Fonda i
- j) troškovi informatizacije, odnosno unapređenja rada i procedura realizacije prava osiguranih lica Fonda.

### **Politike raspoređivanja planiranih sredstava Fonda**

#### **Član 4**

##### **(Raspoređivanje sredstava)**

- (1) Raspoređivanje sredstava u Finansijskom planu Fonda za 2020. godinu vrši se na način da se ukupno planirani prihodi iz člana 2 ove Odluke raspoređuju prema redoslijedu na sledeći način:
  - a) sredstva za rad Fonda iz člana 3 tačka a) ove Odluke u iznosu do 5,00% od ukupno planiranih sredstava;
  - b) sredstva za finansiranje troškova iz člana 3 tačke od b) do h) ove Odluke u iznosu do 95,00% od ukupno planiranih sredstava.
- (2) Nakon raspoređivanja sredstava neophodnih za finansiranje troškova utvrđenih u članu 4 stav (1) tačke a) i b) ove Odluke preostala sredstva će se planirati za finansiranje troškova utvrđenih članom 3 tačke i) i j) ove Odluke, s tim da ne mogu biti preći 1,00% od ukupno planiranih sredstava u Finansijskom planu za 2020. godinu.

#### **Član 5**

##### **(Završne odredbe)**

Ova Odluka stupa na snagu danom donošenja.

**PREDSJEDNIK UPRAVNOG ODBORA**

Dostavljeno:

- direktoru
- zamjenik direktora (2x)
- šefovima Službi (3x)
- šefu računovodstva
- internom kontroloru
- evidencija
- web stranica Fonda i
- a/a

\_\_\_\_\_  
**doc. dr. med. sc. Zoran Tošić, s.r.**